



ATASSUT
Steen Lyngé

UPA15/103-1
12.03.2015

Siunnersuut uunga: Katersugaasiveqarneq pillugu Inatsisartut inatsisaat.

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Katersugaasiveqarneq pillugu Inatsisartut inatsisissaattut siunnersuummut Atassut-mit imaattumik oqaaseqarfigissavarput.

Nuna kulturikkut oqaluttuassartaminik peqanngitsup assigiinnassavaa inuk tarnimigut imaqanngitsaq. Taamaammat nunap oqaluttuarisaanini aammalu kulturini qaqugukkulluunniit eriagisassarai. Katersugaasivillu tassaassaaq kingornussanik tassunga tunngasunik qulakkeerinnittussaq – pigisat tigussaasut tigussaannngitsullu eqqarsaatigalugit – taamatuttaaq innuttaasut pigisanut tamakkununnga ornigussinnaanissaat periarfissiissutigisussaallugu.

Taamattumik pingaaruteqarpoq nunatsinni katersugaasiveqarnikkut aaqqissuussaaneq inatsisitigut illersugaalluarlunilu sinaakkutassarissaartinneqarnissaa, tamatumalu ineriartornermut malinnaatinneqarnissaa, tassami katersugaasiveqarneq kulturikkut kingornussatsinnik ilisimasassanik siammarteriviuvoq.

Matumani siunnersuummi Inatsisartut peqqussutaat atuuttoq ingerlateqqinneqassasoq, aammali inuiaqatigiit ineriartornerannut siuariartorsimaqisumut naleqqussarneqassasoq kiisalu inatsisitigut qulakkiigassanik nutaanik pisariaqartitsinermik nutarterinissamik siunertaqarfiusoq.

Annertunerusumik oqaaseqarnata Atassut-mit inassutigissavarput siunnersuut ataatsimiititaliami suliassanngortinneqassasoq inassutigissavarput.